

# Ineriartortitsinissamut pilersaarut 2017-2020 Meeqqat, inuusuttut ilaqtariillu

Killiffimmik nalunaarusiaq 11  
Kvartali siulleg 2020



## Imarisai

1.0	Iqikkaaneq .....	3
1.1	Politikkikkut.....	4
1.2	Aqutsineq aaqqissuussanerlu pitsaanerusoq .....	4
1.3	Suliasanik suliarinnittarneq pitsaanerusoq .....	9
1.4	Suliamik ingerlatsinermi aqutsisut nakkutilliinerat ilinniarfiusoq ineriartortitsiviusorlu .....	14
1.5	Meeqqanik ilaqutariinnillu pitsaanerusumik katsorsaasarnq – nammineq neqeroorutit .....	14
1.6	Oqartussaaffeqarfiup aamma Pitsaaliuisarfiup Katsorsaaviullu akornanni suliffeqarfimi suleqatigiinneq .....	19
1.7	Kommuneqarfik Sermersuumi namminerme sulleqatigiinneq .....	20
1.8	Avataani katsorsaansamik neqerooruteqartunik sulleqateqarneq.....	21
1.9	Pitsaaliuineq .....	21
1.10	Sulleqatigisanik avataaneersunik sulleqateqarneq .....	23
1.11	Suliniutinik aqutsineq aqutsisoqartigiillu.....	23
3	Allannguutit annertuut .....	23
4	Aningaasaqarneq .....	24
5	Ajutoorfiusinnaasut .....	24
6	Kajumissuseqarneq atugarissaarnerlu .....	25



## 1. Ingerlatani pingaarnerni killiffik angusallu

### 2.0 Iqikkaaneq

Killiffimmik nalunaarusiaq una ingerlatassat pillugit pilersaarut ulloq 13. septembari 2018 akuerineqartoq naapertorlugu suliarineqarpoq.

2020-mi kvartali siullesq Meeqqanut Ilaqutariinnullu Politikki nutaaq arlalipassuartigut ingerlanerpoq. Politikki pinaveersaartitsinermi iliuutsinik ingerlatsiviunerusoq ilaatigut suliniutit ingerlaarfianni nutartikkami allaaserineqartoq.

Meeqqanut Ilaqutariinnullu ingerlatsiviup tassunga tapiliullugu suliniuteqarnermi suliassarpasuit ingerlatsiviup ilaqutariinnut immikkoortortaarfiani amerliartortut 2019-imi kvartalimi siulermi sammisorujussuai. Tamanna ingerlatsiviup siuttuisa oqartussaaffiup aaqqissuuteqqinneranut periutsimik aalajangiinerannik kinguneqarpoq, tamanna ilaatigut inissiisarnermi suliamik ingerlatsinissap annertunerusumik sammineqarnissaanut aqutissiuvoq.

Pinaveersaartitsivik katsorsaavillu kvartalimi siullermi suliassaqarluarsimaqaat. Immikkoortumik neqeroorutillu tamarmik pitsaassusiannik annertumik allaaserinninnerup saniatigut Nuummi Sillimaniarnermi suliamik ingerlatsinermut pilersaarusiortoqarpoq angerlartitsisarnernullu suliniuteqarneq aallarnisarneqarluni. Tamassuma saniatigut qimarnguik ineriartortinneqarpoq, aammalu Nuummi Paamiunilu suliniutit tamarmik kommunip nalunaarsuivianut nutaamut ESDH-mut nuunneqarlutik. Kvartalimi siullermi Nuummi Tasiilamilu sulisut suliamik ingerlatsinermi ineriartortinneqarnissaat aamma sammineqarpoq.

Piffissaq Kalaallit Nunaanni COVID-19-imik tuniluuttoqarneranik arlalipassuartigut sunnerneqarpoq. Tamanna Nuummi kommunip ilaatigut matuneqarneranik kinguneqarpoq, tassani suliassat pingaarnert innuttaasunit pisariaqartinneqartut ingerlatsinermullu tunngasut kisimik salliutinneqarlutik. Corona nutaaq Meeqqanut Ilaqutariinnullu Ingerlatsivimmi Ajornartoornermi Sillimaniarnermik pilersitsinermik kinguneqarpoq. Ajornartoornermi sillimaniarnermi COVID-19-ip kingunerisinnaasaanik iliuuseqartoqarsinnaassaaq, assersuutigalugu qimarnguimmi inissat amerlanerusut pisariaqartinneqarnerat, angajoqqaallu napparsimaneranni meeqqanik pinasuartimik inissiinissami aaqqiissutissat.

Peqatigitillugu ajornartoornermi sillimaniarneq ingerlatsivimmi sulisut affaasa suliffimmit angerlartinneqarnerannik, affaasalu ingerlatsivimmi suliassat pingaarnert suliariniarlugit najuutarnerannik kinguneqarpoq.



## 2.1 Politikkikkut

Sullissinermik misissuineq ingerlatsivimmillu annertusisamik kukkunersuineq ingerlanneqarnikuupput, Meeqqanut Ilaqutariinnullu Ingerlatsiviup sullissinermik misissuinermit inassuteqaatit toqqarneqartut aallaavigalugit ineriartortitsinermut pilersaarummi ingerlatassanut pilersaarutit nutarterpai. Ingerlatsinernut pilersaarut nutartigaq Meeqqanut Ilaqutariinnullu Ataatsimiititaliap ulloq 13. septembari 2018-imi akueraa.

2020-mi kvartalimi siullermi Meeqqanut Ilaqutariinnullu Naviartumiittunut Politikki nutaaq politikkikkut suliaassanngortinneqarpoq. Politikkimut ilanngullugu suliniuteqarnerup ingerlaarfia, oqatussaaffiup allaffissornermi ingerlatsinermut tunngavia, nutartigaq iliuuseqartarnermilu neqeroorutit pillugit immikkoortumik allaaserinnineq ilanngullugit nassiunneqarput. Meeqqanut Ilaqutariinnullu Navianartumiittunut Politikki Meeqqanut Ilaqutariinnullu Ataatsimiititaliami akuerineqarpoq. Tamassuma kingorna pilersarutaavoq Meeqqanut Ilaqutariinnullu Politikki Kommunalbestyrelsimit inaarutaasumik akuerineqartussanngorlugu nassiutinnginnerani politikki pillugu Nuummi, Paamiuni Tasiilamilu innuttaasunik oqaloqatiginnilluni ataatsimiittoqassasoq.

Nuummi Paamiunilu iliuuseqartarnermi pitsaassutsinut tunngaviit kvartalimi siullermi suliari- neqarput, aatsaalli kvartalit aappaani politikikkut suliari- neqartussanngortinneqarlutik.

Immikkoortumut ataatsimut pilersaarut Sanarfinermut Avangissinullu Ingerlasivimmit suli suli- arineqassaaq. Piffissami tamanna pillugu nalunaarusiortoqarnikuunngilaq.

## 2.2 Aqutsineq aqqissuussanerlu pitsaanerusoq

Isumaginninnermi misissuinerit ingerlanneqarnerannik 2019-imi annertuumik sammisaqarneq 2020-ip aallartinnerani suliniuteqarnermi suli- at annertunerusumik sammineqarnerannik pissu- sissamisoortumik kinguneqarpoq.

Tamanna Nuummi oqartussaaffeqarfiup allanngorlugu aqqissuunneqarnissaanik aqutsisut 2020-mi kvartalimi siullermi aalajangerannik kinguneqarpoq. Siunertaq tassaavoq suliniu- teqartarnermi suli- at annertussusaasa suli- allu kinguaattoorutaasut amerlanerisa iliuuseqarfigi- neqarnissaat. Allannguilluni aqqissusseqqinnerup ilaatut inissiisarnernut aningaasartuutit an- nertuut pinngitsoorneqarnissaat siunertaralugu pinaveersaartitsinerulluni suliniutit sammi- neqassapput. Ilimagineqarpoq allannguilluni aqqissusseqqinneq 2020-mi kvartalit aappaanni atuutilersinneqassasoq.

Allannguilluni aqqissuusseqqinnerup Meeqqanut Ilaqutariinnullu Politikki nutaaq politikikkut 2020-mi kvartalimi siullermi politikikkut suliassanngortinneqartoq arlalippassuartigut ersersippaa. Suliniutit ingerlaarfiat, suliniutit annikinnerpaamik akuliuffiusunik siulliutitsiviusoq politikimi tassani qitiuvoq suliffimmilu ataatsimut isigalugu pingaaruteqartorujussuulluni.

Killiffik pillugu siusinnerusukkut nalunaarusiani allaaserineqartutut oqartussaaffimmi suliassat amerliartornerat ingerlatsivimmi suliniuteqarfimmi neqeroorutitut innersuussisoqartannginneranik kinguneqarpoq. Ingerlatsivimmi aqutsisut taamaammat periuseq 2020-imi kvartalimi siullermi atuutilersippaat, tassani oqartussaaffeqarfimmi iliuseqartarfimmit sinniisoqarluni saapatip akunneranut ataasiarluni ataatsimiittoqartarluni. Ataatsimiinnermi pinartumik suliniuteqarfigineqartussat pisariaqartut iliuseqartarfimmit ingerlanneqartussanngortinneqartarput. Suliniut tamanna killit oqartussaaffeqarfiup iliuseqartarfiullu akornanni aqqissuussaannermi aalajangersakkat annikillisinneqarnerattut amerlasuutigut isigineqarsinnaavoq. Taamaakkaluartoq meeqqat ilaqutariillu navianartumiittut sukkanerusumik ikiorneqartarnissaat pisariaqartutut isumaqarfigineqarpoq.

COVID-19 inuiaqatigiinnilu killilersuineq nappaatip taassuma kingunerisai, kommunip matuneqarnerani ingerlatsivimmi aqqissuussaannerup allanngortinneqarneranik kinguneqarput. Ajornatoornermi sillimaniarnermik taaneqartoq aallartinneqarpoq. Sulisut ingerlatsivimmi pingaaruteqartuni atorfeqanngitsut angerlarsimaffimmi sulinissaaannik nalunaarfigineqarput. Innuttaasunut attaveqarnek taamaaliortoqarsinnaatillugu oqarasuaatikkut ingerlanneqartussaani-kuuvoq, angerlarsimaffinnullu pulaarneq pinngitsoorniarneqarluni. Oqartussaaffeqarfimmi iliuseqartarfimmilu sulisut affaannanngortinneqarput.

Pinaveersaartitsilluni suliniutit aallartinneqarput, ilaatigut ininik qimarnguimmit atorneqartus- sanik Isumaginninnermut Aqutsiveqarfimmit attartornissap qulakkeerneqarneratigut kiisalu Nuummi Tasiilamilu ajornartoornermi ulloq unnuarlu paaqqinnittarfiusiunnaasunik ininik attart- ornissamut periarfissanik misissuinikkut. Tamassuma saniatigut Paamiuni ajornartoornermi ulloq unnuarlu paaqqinnittarfiup pilersinneqarnissaa suliniutigineqarnikuuvoq. Ulloq unnuarlu paaqqinnittarfiup taassuma siunissami pilersinneqarnissaa aammalu Meeqqanut Ilaqutariinnul- lu Ingerlatsiviup ingerlatsinermik 2021-imi tigusinissaa periarfissaavoq.

Sulisut suliamik ingerlatsinermi piginnaanngorsarsinnaanerisa tapersersuillunilu oqaloqatigi- neqartarnissaasa qulakkeerneqarnissaat suli isiginiarneqartorujussuuvoq. Tassani ilaapput Inuusuttunik Sullissivimmi sulisut piffissami siviisuumi pikkorissartarnissaat, oqartussaaffeqar- fimmi suliassanik sularinnittartunik pikkorissaaneq kiisalu meeqqat imigassamik ajoqusernikut pillugit ingerlatsivimmi sulisunik tamanik ataatsimut pikkorissartitsineq.

Sulisunik suliamik ingerlatsinermi tapersersuilluni oqaloqatiginnittarnerup saniatigut, atugaris-saarneq, stressi aaqqiagiinnginnernillu iliuuseqartarneq aamma sammisaapput ingerlatsivimmi namminermi tapersersuilluni oqaloqateqartartup suliarisartagai. Tapersersuilluni oqaloqatigin-neriaaseq taanna sulisut piffissami sivirusumi sulisoriinnartarnissaannut tapersiisinnaavoq. Ta-persersuilluni oqaloqatiginnittartup suliffeqarfimmi namminermi atorfeqarnera iluaqutaasutut isigineqarsinnaavoq, ajornanngitsumik pissarsiarineqarsinnaanermut tunngatillugu, aammali tapersersuilluni oqaloqatiginnittartup suliffimmi peqatigiinnermik katitigaanermillu ilisimasaqar-neranut tunngatillugu.

Nuummi, Tasiilami Paamiunilu angajoqqaarsianut kommunimi atorfeqartunut tapersersuilluni oqaloqatigineqartarnissamik aamma neqerooruteqartoqarpoq. Tapersersuilluni oqaloqateqar-neq angajoqqaarsiat suliassamik ingerlatsiinnarnissaannut tapersiisarpoq, anersaartorfissaqar-tittarlugit paarsinerullu pitsaassusia qaffatsittarlugu. Naliliisoqarpoq tapersersuilluni oqaloqa-teqartarneq angajoqqaarsiat ingerlaavartumik suliamik ingerlatsinermut ilaatillugit annertuner-pamik pissarsissutaasartoq, tassani oqaloqatigiinnerit malitseqartinneqartarlutik.

Meeqqanut Ilaqutariinnullu Ingerlatsivik 2020-mi kvartalit siullianni atorfiit inuttaqanngitsut ilaannut nutaanik sulisoqalerpoq:

Suleqatigiit	Piffissami atorfin-nik amerlassusili-ineq	Piffissami soraartut/sora arsinneqartut amerlassusaaat	Piffissami atorfinittut nutaat amer-lassusaaat	1. januari 2020-mi sulisut amer-lassusaaat	31. marsi 2020-mi sulisut amer-lassusaaat
Pisortat	5	0	0	5	5
Stabi	8	0	0	7	7
Katillugit	13	0	0	12	12
<b>Oqartussaaffeqarfik</b>					
Mellemlederit	7	1	0	7	8
Nalunaaruteqartar-nermi suleqatigiit	4	0	0	4	4
Misissuisarnermi su-leqatigiit	6	0	0	6	6
Innarluutillit pillugit suleqatigiit	2	0	1	2**	2
Nangitseqqiisarnermi suleqatigiit	4	1	1	2	2
Meeqqat inissitat pil-lugit suleqatigiit Nuuk	6	0	1	4	5
Ilaqutariit pillugit su-leqatigiit Nuuk	5	0	2	1	4
BFA Paamiut	2	0	1	1	2
BFA Tasiilaq	5	2	3	3	6
BFA Ittoqqortoormiit	1/2	0	0	1/2	½
Katillugit	42,50	4	9	30,5	39,5



Pitsaaliuinnermut iliuseqartarfillu ***					
BFC Nuuk (BFC, Ivaag, Kuserneq, Qimarnguik)	34	1	5	31***	33
Inuusuttunik Sullissivik Nuuk (Isumaginniqqittarneq, atornertuinnermut katsorsaaneq, katsorsaa-neq, inuusuttunut siunnersuineq)	18+5****	0	5	21	23
Tupaarnaq	14	1	0	14	13
Pitsaaliuinnermut Immikkoortortaqarfik	18	0	2	16	18
BFC Paamiut	6	0	0	6	6
BFC Tasiilaq	10+1*****	0	1	10	11
Katillugit	106	2	13	98	104

Oqaaseqaatit: Taartaasartut atorfinitinneqartartut tabelimi tassani ilanngunneqanngillat.

\* Nutaatut Tasiilami Paamiunilu mellemladerit inissivimmu tassunga inissineqarput. Tassani takuneqarsinnaavoq kvartalimut siulianut sanilliullugu tallimaniit arfineq marlunnut amerleriartut. Mellemladerit akornanni sivisuumik napparsimasoqarnera pissutigalugu sulisoq nutaaq suliassamik taasuminnga sularinnittussa qvartalimi siullermi atorfinitinneqarpoq

\*\* Innarluutillit pillugit suleqatigiinni nutaamik atorfinititsineq ulloq 1. januarimiit atuuppoq.

\*\*\* Sulisunit nutaamik atorfinitinneqartunit pingasut 1. januari atorfinitinneqarput

\*\*\*\* Nuummi Inuusuttunik Sullivimmi sulisunik amerlassusiliineq 2020-mi qaffanneqarpoq

\*\*\*\*\* Armarnqivat siunissami ammarnissaanut atatillugu "Siusissukkut Suliniuteqartarnermut" katsorsaasarfimmi aqutsisut atorfik pilersinneqarpoq

Oqartussaannermut immikkoortortaqarfimmi sulisunik amerlassusiliinnermut tunngatillugu suliater amerlassusiannik paasitiniarluni innuttaasut pillugit suliater immikkoortortaqarfinnut agguarlugit nalunaarusiami uani naatsorsorneqarput:

Oqartussaaffeqarfimmi suliater amerlassusaat 01-01-2020 – 31.03.2020		
Team	Sulisunik amerlassusiliineq	Innuttaasut pillugit suliater amerlassusaat
Nalunaaruteqartar-nermi suleqatigiit	4	304
Misissuisarnermi suleqatigiit	6	105
Innarluutillit pillugit suleqatigiit	2	82
Malinnaaffiginninnermi suleqatigiit	4	198*
Meeqqat inissitat pillugit suleqatigiit Nuuk	6	226
Ilaqtariit pillugit suleqatigiit Nuuk	5	108
BFA Paamiut	2	12
BFA Tasiilaq	5	450**
BFA Ittoqqortoormiit	1/2	11***
Suliassat suliassanik sularinnittartumut ataatsimut aallaaviummik agguarneqanngitsut (Suliassat mellemladerinut inissinneqartut)	7	135
<b>Total</b>	<b>41,5</b>	<b>1631</b>



Oqaaseqaatit: Tabelimi innuttaasut pillugit suliat oqartussaaffeqarfimmi suliassanik suliarinnittartut kvartalimi suliaqarnissaannik pisariaqartitsiviusut takutinneqarput. Tassanilu ilaapput suliat ulloq 01-01-2020-miit 31-03-2020-mut ammasut matuneqarnikullu kiisalu ulloq 01-01-2020 sioqqullugu suliat suli ammasut. Oqaatigineqassaaq innuttaasut pillugit suliat innuttaasut amerlassusiannut sanilliunneqanngitsut. Innuttaaso ataaseq ataaseq sinnerlugu suliassaqrifiulluarsinnaavoq.

\*Tasiilami misissuinermi suliat 198-it. Malinnaaffiginninnermi suleqatigiit suliassaam tamassuma saniatigut aamma tassaapput mailinit tiguneqarnikunit pisoqqanit paasissutissanik tiguneqartunik nalunaarsuiffiup ESDH-p atuutilersinneqarneranit atorineqartunik journaliseeriineq. Piffissami taaneqartumi mailit tigusat 4000-it suliameqarput.

\*\* Tasiilami nalunaarsuiffimmik ESDH-mik peqannginnera pissutigalugu suliat eqqortumik amerlassusaat takuneqarsinnaanngilaq. Ilimagineqarpoq suliat 450-550 missaaniittut.

\*\*\* Kisitsisit taakku naatsorsueqqissaarinnermi ilaatigut nalorninartoqarput. Ittoqqortoormiinit suliat Winformatikkimi nalunaarsorneqartaput – programmimi suliat maannakkut amerlassusaat takuneqarsinnaanngilaq. Kisitsisip 11-p suliat piffissami allaganngorlugu oqaaseqaateqarfigineqarnikut takutippaa.

\*\*\*\* Sulianit 135-usunit suliat 86-it Ataatsimut Innersuussivimmeerput, suliat arfineq pingasut Nuummi Ilaqutariinnut Immikkooortotaqarfimmeerput suliallut 41-t Paamiuni BFA-meerlutik. Paamiuni suliamik ingerlatsinermi ataqatigiissarisooq aamma suliakkiutigineqartunik suliassanik suliaqartartuuvooq.

Tabeli qulaniittoq sulisut isumalluutit pillugit tabelimut siulianut sanilliukkaanni inerniliisoqarsinnaavoq sulisup suliat suliassai amerlangaatsiartut. Tamanna tabelimi takuneqarsinnaanngilaq ilanngunneqartariaqartorlu tassaavoq suliassat annertussusaat suliat suunerannut tunngatillugu allanngorartut. Piffissaq isiginiarneqartariaqartoq maannakkut pissutsini atuuttuni misissorneqarsinnaanngilaq.

Kommuneqarfik Sermersuup nalunaarsuivia nutaaq ESHD – GetOrganized – 2020-mi kvartalimi siullermi misiligarluarneqarpoq. Aallartinnermi assigiinngitsunik ajornartorsiuteqaraluartoq inerniliisoqarsinnaavoq sulisut GO ulluinnarni sulinermi ilanngutipallasimmagaat. Nalunaarutigineqarpoq suli ilaatigut amigaaqartoq, tassa SBSYS-imi atorineqarsinnaasut tamarmik GetOrganized-imiinngimmata. Ingerlatsivimmi AC-fuldmægtigi ataaseq sulisut GetOrganized-imik atuinerannik ilitsersuinermit tunngatillugu pingaaruteqartorujussuusimavoq, peqatigitillugulu kommunimi ESDH-mi suleqatigiinnut pingaaruteqartumik attaveqaataasimalluni.

Suliffimmi namminerme ilisimasanik paarlaasseqatigiittarnermut ataatsimutllu isigalugu ilisimasaqalartarnermut tunngatillugu attaveqaqatigiinneq suliffimmi immikkooortotaqarfinni ataatsimut inissisimasuni ingerlalluurtutut misigineqarpoq. Kisiannili illoqarfiit akimorlugit ilisimasanik paarlaasseqatigiittarneq pineqarpat pitsanngoriarfissaqarpoq. Suliffimmi ataqatigiissitsisinnermi ilaatigut kvartalit tamaasa ataatsimut nutaarsiassakkut pitsanngorsarniarneqarpoq.

### **2.3 Suliassanik suliarinnittarneq pitsaanerusoq**

Oqartussaaffeqarfimmi suliamik ingerlatsinerme aqqissuussaaneq nutaaq meeqqat pillugit suliani piffissaq eqqorlugu eqqortumillu suliassanik suliarinnittarnissamik qulakkeerutaasussa qul-



loq 9. aprili 2018 atuutilersinneqarpoq. Aaqqissuussaaneq taanna oqartussaaffeqarfimmi maannakkut pisariaqartitat iliuuseqarfiginarlugit 2020-mi nalilersoqqinneqassaag.

Isumaginninnermi suliat suliarineqartarnerisa pitsaassusaasa qaffatsinnissaat misissuinerillu amerliartortorujussuit utaaqqimaartinneqartut suliarineqarnissaat 2019-imi isiginiarneqartorujussuupput. Tamassuma pissusissamisoortumik kinguneranik misissuinerit suliniutinik aallartitsinermik tikkuussisut inernerit 2020-mi isiginiarneqartorujussuupput

Aqutsisut pisariaqartitsineq tamanna iliuuseqarfiginarlugu 2020-mi kvartalimi siullermi oqartussaaffeqarfiup qanoq allanngorlugu aaqqissuunneqarsinnaaneraniq periusissiorput. Mellemlederit atorfinni pingaarutilimmiittut amigaataaneraniq kiisalu COVID-19-ip nalaani kommunip ilaatigut matunera pissutigalugit aaqqissuussaaneq nutaaq 2019-imi kvartalit aappaannut kinguartinneqarpoq.

Oqartussaaffeqarfimmi sulianik eqqortumik suliarinninnermut anguniagassat aalajangersarneqarput. Anguniagassat skemami ataaniittumi takuneqarsinnaapput. Naatsorsuinnermut atatilugu naatsorsuinerup annertuumik nalorninarqarnera eqqumaffigissallugu pingaaruteqarpoq, tak. tabelimut oqaaseqaatit. Immikkoortut taaneqartut maannakkut naleqqussarneqarnikuupput, taakku taamaalillutik naatsorsueriaatsimut naapertuullutik.

Immikkoortut	2020-mukt anguniakkat	2019-imi killiffik	2020-imi killiffik
Nalunaarutit piffissaq eqqorlugu iliuuseqarfiginerat	Nalunaaruteqartarnermi suliat tamarmik 90 %-ii	90,4% (N=2.644)	77,4% (N=296)*
Nalunaarutit nassuunneqarnerinut uppersaatit	Nalunaaruteqartarnermi suliat tamarmik 90 %-ii	88,5% (N=2.339)	87,4% (N=296)**
Misissuinerit suliassanik suliarinnit-tartunut agguarneri	Nalunaaruteqartarnermi suliat tamarmik 80 %-ii	49,6% (N=228)	53,5% (N=213)***
Isumaginninnermi misissuinerit ingerlanneqarneri	Suliniuteqarnermi suliat tamarmik 60 %-ii	49,3% (N=146)	10,8% (N=74)****
Iliusissatut pilersaarutit	Suliniuteqarnermi suliat tamarmik 80 %	51,4% (N=146)	5,4% (N=74)*****
Isumaginninnermi misissuinerit ingerlanneqarneri	Inissuinerimik suliat tamarmik 60 %-ii	47,9% (N=48)	50,0% (N=4)*****
Namminersorlutik Oqartussat nak-kutilliineri	Kukkunerit ikilineri 60 %		
Kukkunersuineq pillugu nalunaarutini kukkunersuisut oqaaseqaatat	Kukkunerit ikilineri 60 %		

Oqaaseqaatit: 2019-imut naatsorsuinnermi piffissaq 1. januarimiit 13. decembarimut 2019 pineqarpoq. Suliat piffissamut 14/12-imiit 31/12-mut naatsorsuinnermi ilaanngillat, tassa Ingerlatsivik GetOrganized-imit (GO) suliat pillugit paasissutsissanik pissarsisinnaangimmat. 2020-mut naatsorsuinnermi suliat 1. januarimiit 31. marsimut 2020 pilersinneqartut pineqarput. Naatsorsuinnermi taamaallaat suliat SBSYS-imi aamma GO-mi pilersinneqarnikut pineqarput. Tamanna pissutigalugu naatsorsuineq suliat amerlassusaannik tamarmiusunik imaqqanngilaq, tassa Tasiilamit Paamiuniillu suliat arlallit naalunaarsuiffinnut isertoqarsinnaangimmat internetillu aqputaa ajormat SBSYS-imi imaluunniit



GetOrganized-imi pilersinneqarnikuunngimmata. Taamaamat naatsorsueqqissaarnermi ilaatigut nalorninarloqarnera naatsorsuutigineqassaaq.

\* Procentinngorlugit amerlassusaat naatsorsorneqarput nalunaaruteqarnermi suliat tiimit 24-t qaangiutsinnagit naammassineqartut nalunaaruteqarnermi suliat amerlassusaannut tamarmiusunut sanilliullugit. GO-mi teknikkikkut kukkuneq pissutigalugu nalunaaruteqarnermi suliani 100-ni ulloq piffissarlu amigaataapput. Taamaalluni suliat tiimit 24-t qaangiutsinnagit naammassineqarsimanersut nalilersorneqarsinnaanngimmat taakku naatsorsuineri uani ilaanngillat. N=296.

\*\* Procentinngorlugit amerlassusaat naatsorsorneqarput nalunaaruteqartumut uppernarsaatit amerlassusaat nalunaaruteqarnermi suliat amerlassusaannut sanilliullugit. Uppernarsaatit amerlassusaat suliap taaguutaani "uppernarsaat" atorlugu uppernarsaatinut tamanut sulianik allattuivimmit pissarsiarineqarput. Sulianik allattuivimmi amerlassusaat tamassuma kingorna aqqinneqarput, taamaalluni taamaallaat uppernarsaatit Oqartussaaffeqarfimmit nalunaaruteqarnermi sulianut atassuteqartinneqartut ersillutik. Toqqaannartumik nalunaaruteqartunut, oqarasuaatikkut saaffiginnittunut, isumaginninnermi pigaartumut saaffiginnittunut kiisalu kommunit allat pillugit saaffiginnittunut uppernarsaatinik nassitsisoqarneq ajorpoq. Tamassuma kinguneranik amerlassusaasa katinnerat aqqinneqarsinnaanikuunngilaq. Tamatuma saniatigut suliat ilaanngut maili uppernarsaat ilanngunneqarnikuuvoq uppernarsaatillu nassiunneqarsimanera allaqqalluni. Annertuumik kukkusoeqarsimanissaa ilimagineqassaaq. N=296.

\*\*\* Procentinngorlugit amerlassusaat naatsorsorneqarput misissuineri suliat amerlassusaat misissuineri sulianut ammasunut suli agguanneqarnikuunngitsunut (2019 aamma 2020) sanilliullugit. Malugiuk maannakkorpiaq pisunik tamanna takutitsimmat aammalu ullomiit ullormut allanngorsinnaammat.

\*\*\*\* Procentinngorlugit amerlassusaat suliniuteqarnermi suliat tamarmiusut misissornerisigut naatsorsorniarneqarput. Tassani allaqqavoq SFU-mi suliniuteqarnermi suliaanersoq misissuinermiluunniit suliamut attuumanersoq. Tassani annertuumik kukkusoeqartarpoq. Siullermik SFU suliamik ingerlatsineri tamanna pillugu nalilersuisimatinnagu suliat naammassineqarsimasinnaapput. Nalilersuineri tassani tamanna sillimaffigineqanngilaq. Aappassaanik sulianik kukkusumik pilersitsisoqarsinnaavoq. Pingajussaani SFU-t naammassineqarnikut toqqorsivimmi allami ilanngunneqarsimasinnaapput, taamaammallu uppersaatit SFU-mik suliaqarfiusimasuni ersinnatik. Sisamassaanik SFU-t toqqorsivimmut ilineqarsimasut ilanngunneqarsimasinnaapput. Pisunili arlalinni SFU-t naammassineqarsinnaasimasut "Allaqqitassaq" ataani allaqqitassaqaarsinnaavoq. N=74. N suliat Innarluutilinnullu Immikkoortortaqarfimmi suliniuteqarnermi suliat kukkusumik pilersinneqarsimasut nassaarineqarnerisa kinguninngua aqqinneqartarput.

\*\*\*\*\* Procentinngorlugit amerlassusaat suliniuteqarnermi suliat tamaasa misissornerisigut naatsorsorniarneqarput. Tassani allaqqavoq suliani procentinngorlugit qanoq amerlatigisuni iliuusissatut pilersarusiortoqarsimanersoq. Iliuusissatut pilersaarut inatsimmi piumasaqaatigineqartutut minnerpaamik ukiumut ataasiarluni nutarterneqartarnersoq kisitsisit takutitsinngillat. Taamaallaat iliuusissatut pilersaarutit GO-mut toqqorneqarnikut ilanngunneqarput. Pisunili arlalinni iliuusissatut pilersaarutit naammassineqarsimasinnaasut GO-mi "Allaqqitassat" allaqqitassaqaartarpoq. N=74.

\*\*\*\*\* Procentinngorlugit amerlassusaat naatsorsorneqarput inissinerni suliniuteqarnermi suliat tamaasa misissornerisigut. Tassani allaqqavoq suliami SFU-qarnersoq. Kukkuuffiusut: Siullermik SFU-t naamaassinikut toqqukkamut allamut ilanngunneqarsimasinnaapput, taamaamat SFU-p suliarineqarsimanera uppernarsaatinik takussutissiami allaqqanani. Aappassaanik taamaallaat SFU-t GO-mi toqqorneqarnikut ilanngunneqarput. Pisunili arlalinni SFU-t naammassineqarsimasinnaasut GO-mi "Allaqqitassat" ataanni allaqqitassaqaartoqarpoq. N=4.

Soorlu tabelimi qulaaniittumi oqaaseqaatini allaqqasoq 2019-imi kvartalit sisamaat pillugu killiffimik nalunaarusiaq assigalugu, anguniakkani qulaaniittuni paasissutissat tatiginartut pissarsiarineqarsinnaasimangillat. Ingerlatsivik nalunaarsuiffimmi nutaami ESDH-mi, Get Organized (GO), nalunaarusiorsinnaanermut periarfissat paasinianeqarnissaat siunertaralugu IT-qanermut suliffeqarfimmik, Comby, ataatsimeeqateqarnikuuvoq nalunaarsuiffimmi



kukkuneq pissutigalugu GO-mi nalunaarsuiffik sulii atuutilingilaq. Taamaammatt paasissutissat sulianik allattuiviit aallaavigalugit GO-mit nammineerluni aammaarluni pissarsiarineqarput. Soorlu oqaaseqaatini takuneqarsinnaasoq, kisitsisit naatsorsorniarneqarput, annertuumilli kukkuneqarlutik. Kisitsisit anguniagassat nalunaarusiap siuliata akerlianik kisitsisinik pissarsinissamut tunngatillugu nalunaarsiuffiup ESDH-p periarfissiineratigut maannakkut naleqqussarneqarput.

Atuartup eqiingasup malugissavaa suliniuteqarnermi suliat procentinngorlugit amerlassusaat Isumaginninnermi Misissuinerit (SFU) aamma suliniuteqarnermi suliat iliuusissatut pilersarusiorfigineqartut procentinngorlugit amerlassusaat 2020-mi 2019-imut sanilliullugit ikinnerungaartut. Tamassumunnga pissutaaneruvoq, 2020-mi pinartumik suliassanut Ataatsimut Innersuussusiviup (DFV) ataaniittunut suleqatigiinnik 2020-mi pilersitsisoqarnikuunera. Nalunaaruteqarnermi pigaartoq naliliippat pinartumik suliniut aallartinneqassasoq, DFV-mut suleqatigiinnut aqutsisumut suliniut pillugu suliamik pilersitsisoqassaaq, taassumalu tamatuma kingorna Pinartumik Suliniutinut Suleqatigiinni suliassanik suliarinnittartumut suliap suliassanngortinneqarnissaa isumagissavaa. Pinartumik suliniuteqarnissamik suliat amerlassusaat suleqatigiit aqutsisuanniittut imaluunniit Pinartumik Suliniutinut Suleqatigiinni suliassanik suliarinnittartumiittut, kvartalit siullianni suliat 61-iupput – tassa suliniutit pillugit suliat 2020-mi pilersinneqartut katillugit amerlassusiisa 80%-ii sinnerpaat. Pinartumik suliniuteqarnissamik suliat pineqarmata suliniuteqannginnermi SFU suliarineqarsinnaangilaq.

Aqutsisut tabelimi apparnernut teknikkikkut nassuiaatit saniatigut misigaat, sulisut naammassisaqarsinnaassusiat 2020-mi kvartalimi siullermi appartoq. Tamassumunnga pissutaavoq Danmarkimit 2019-imi ikiuineq, tamannalu suliaqarnerunermut arlalipparsuartigut tapersiivoq, taamaammallu sulisunut sinneruttunut amigaaqartitsilerluni. Taamatut pisoqarnera napparsimasut amerlinerisigut takuneqarsinnaavoq.

Sulisut sullinnginnartarnerat Ataatsimut Innersuussisarfirmi (DFV) suliassaqarnerulernermik kinguneqarpoq, tassani misigineqarluni siunnersuisarnermi ilitsersuisarnermilu suliassat kiisalu isumaginninnermi misissuinerit suliarineqartussat maannakkut utaqqimaartinneqartut amerliartortut.

Aqutsisut DFV-mi taamatut suliassaqarnerulerneq iliuuseqarfiginiarlugu periuseq nutaaq piffissami atuutilersippaat, tassani pinartumik suliniuteqarnissamik suliassat iliuuseqartarnermi sulisoqarfinnut suliamut atuumassuteqartunut sapaatip akunnikkaartumik ataatsimiinnerni suliassanngortinneqartarlutik, ataatsimiinnerni meeqqat/ilaqutariit ataasiakkaat qanoq pitsaanerpaamik ikiorneqarsinnaanersut ataatsimut oqallisigineqartarpoq. Iliuuseqartarnermi sulisut suliniuteqarnermi meeqqamik malinnaanermut tunngatillugu oqartussaanermi suliassat



ilaat sularilersarpaat. Periuseq taanna pisarnertut innersuussisarnermut taarsiullugu atornerqarpoq. Periuseq taanna meeqqat /ilaqutariit sukkanerusumik ikiorneqartarnerannut tunngatillugu sunniuteqartarpoq.

Tasiilami, misissuinerpassuarnik 2019-imi sulariarfiusumi, suliniuteqartarnermi sulariassaqrnerujussuaq kvartalit siullianni misigineqarpoq. Isumaginninnermi misissuinermi sulariassat tamarluinnangajammik maannakkut nutserneqarnikuupput Tasiilamilu sulariassanik sulariannittartunut agguuaaneqarlutik, sulariassalli amerlassusaat oqartussaaffeqarfimmi sulariassanik sulariannittartunik amerlassusiliinermut naleqqutinngillat, tamannalu taamaallaat pinartumik suliniutit aallartinneqarnissaannik kinguneqarajuttarpoq inissiisaanermilu sularianik nangitseqqiisarnerit kinguaattoortarlutik. Ammalu Tasiilami internetikkut atassuteqarnerup ajornera pissutigalugu aqutsisunut paasissutissiisarnermik pitsaanerulersitsisinnaasumik nalunaarsuiffimmik ESDH-qannginnera taamaallunilu sulariassat aqqissuussamik sularineqarnissaasa qulakkeerneqarnissaannik ajornartorsiuteqartitsilersartorujussuusoq misigineqartarpoq.

Tasiilami akerlianik sulisut sulariamik ingerlatsinermi piginnaangorsarnissaat isiginiarneqartorujussuunikuuvoq. Najukkami MI-mi pisortaq sulisoq Danmarkimeersoq peqatigalugu ilaatigut uku pillugit sulariamik ingerlatsinerni siuttuunikuuvoq; iliuusissatut pilersaarusionerq, attaveqarfinnik peqataatitsineq aamma suliniutit ingerlaarfiannik atuineq. Meeqqat imigassamik ajoquserneqarnikut pillugit pikkorissartitsineq aamma Tasiilami ingerlanneqarpoq. Isumaginninnermi Aqutsisoqarfiup Tasiilami sulisut ikippallaartut isumaqarnertik tunngavigalugu meeqqanik oqaloqateqartarnerq pillugu pikkorissartitsinissaq pilersaarutigineqartoq piffissami taamaatippaa.

Paamiuni, sulisunik aalajangersimasunik amigaateqartoqaraluartoq, suliniuteqarnermi sulariassat tiguneqartut sularineqarsinnaasimapput. Ataasiakkaanik ilungersunartunik sulariartoqarnikuuvoq, taakku kommunimi ajornartoornermi sillimasoqarfimmik atuinissamik aamma pisariaqarfiunikuupput. Paasinarsivoq ajornartoornermi sillimaniarfik naammagintumik ingerlasoq. Paamiuni sulariassanik sulariannittartut Nuummi aqutsisut sivilisuumik akiniartarnerat pissutigalugu sulariassat sivilisunaartarpaat.

Nuummi suliniuteqarnermi sularianik annertuumik isiginninniarnaq Ilaqutariinnut Immikkoortortaqrarfimmi sularianik piffissami annertuumik ikilisaanermik kinguneqarpoq. Pingaartumik inissiisarnerq pillugu sularianik ingerlatsivimmut aningaasartuutaasorujussuurtut isigineqartariaqartunik. Sulariat tamaasa suleqatigiilluni ataatsimut takuneqarsinnaalerput, sulariat imminnut qanoq atanersut misissorneqarlutik sulariallu tamaasa suliniuteqarnermi sulariassanik sulariannittartunut agguuaaneqarlutik. Sulariat kommuninut allanut tunnganersut



misissorneqarput, tikeraarluni angalasarnernik aaqquussineq nalilersoqqinneqarpoq isumaginneqqinnermilu suliat misissorneqarlutik.

Isiginiarneqartoq pingaarneq tassaavoq ulloq unnuarlu paaqqinnittarfinnut sivisuumik inissiisarnert angajoqqaarsiani inissiinernut allangortinneqarsinnaanersut. Ilaqutariinnut Immikkoortortaqaarfik aningaasanut tunngasut saniatigut meeqqap meeraanini tamaat ulloq unnuarlu paaqqinnittarfinninniissaq soqutigisarinnikkaa aallaavigalugu sulivoq. Ulloq unnuarlu paaqqinnittarfinni inissat taamaallaat meeqqanut annertuunik ajornartorsiuteqartunut angajoqqaarsiat pisariaqartitanik taakkuninnga iliuuseqarfiginnissinnaanngikkaangata atorneqartariaqarput.

Ilaqutariinni pinaveersaartitsilluni iliutsit Meeqqanut Ilaqutariinnullu Politikki nutaaq suliniutinullu majuartarfeqarnermik periuseq naapertorlugit isiginiarneqarnerussapput. Periutsimi anguniarneqarpoq periarfissat allat tamarmik atorneqarsinnaajunnaaraangata inissiinissaq periarfissaassasoq.

Suliniutitut nutaatut, suliassanillu suliarinnittarnermi imminnut ataqatigiissitsinissaq isiginiarlugu, DFV-p aamma Ilaqutariinnut Immikkoortortaqaarfiup akornanni suliassanik suliassangortitsiniarluni ataatsimiittoqartarpoq. Ataatsimiinnerni taakkunani misissuineri suliassanik suliarinnittartup isumaginnineri misissuineri paasisat Ilaqutariinnut Immikkoortortaqaarfiup suliniuteqarfigisartagai saqqummiuttarpei. Taamaaliornikut suliniuteqarnermi suliassanik suliarinnittartoq ilaqutariinni pissutsinik paasisaqarnerulersarpoq ilaqutariillu naammaginarnerusumik iliuuseqarfigineqarnissaannut tapersiisarluni.

Innarluutilinnik sullissineri ilitsersuutit nutaat immikkoortumullu peqqussutip nutaap kinguneranik allakkat assigiimmik oqaasertalersukkat suli utaqqimaarneqarput. Tamassumani peqqussut nutaaq pisortatigoortumik atuutilersinneqarnikummat ulluinnarni sulineq kinguaattoortinneqarpoq. Taamaammata atortut peqqussummut pisoqqamut atasut atorlugit sulisoqaqqusaanngilaq.

COVID-19-ip tuniluunneranut atatillugu killilersuutit nutaat marsip qiteqqunnerani atuutilersinneqarput. Tamanna ingerlatsivimmi oqartussaaffeqarfinnut ajornartoornermi sillimaniarnerup aallartinneqarneratigut nutaanik piunasaqaatitaqalersitsivoq. Suliassanik suliarinnittartut affaat angerlarsimaffimmi sulisarput, affaallu ajornartoornermi sillimaniarnermi ilaallutik. Ajornartoornermi sillimaniarneq pitsasusoq paasinarsinikuuvoq, tassa suliassat takkuttut iliuuseqarfiginissaannut immikkoortortaqaarfiit akimorlugit suleqatigiittoqarmat. COVID-19-ip atuunnerani ujartuilluni annikinnerusumik sulisoqarpoq, qitiusumili oqartussaanneri suliassat naammaginartumik ingerlanneqarsimasut inerniliisoqarsinnaavoq. Aamma COVID-19-ip atuunnerani suleriaasissanut tunngasut ingerlaannaq iliuuseqarnissamik



pisariaqartitsiviusut piareersarneqarnikuupput. Assersuutigalugu angajoqqaat imatut napparsimalertigippata ilaqutariinni meeqqat inissinneqartariaqarlutik.

## **2.4 Suliamik ingerlatsinermi aqutsisut nakkutilliinerat ilinniarfiusoq ineriartortitsiviusorlu**

Ingerlatsiviup inatsilerinermi nakkutilliinermut siunnersorti "Suliamik ingerlatsinermi aqutsisut nakkutilliinerannik ilinniarfiusumik ineriartortitsiviusumillu" suliaqartussa qatorfinitsippaa.

Killiffimmik nalunaarusiami kingullermi aqutsisut nakkutilliinerat tunngavigalugu nalilersuinermi nalunaarusiap 2020-mi kvartalimi siullermi suliarineqarnissaa siunnersuutigineqarpoq.

Piffissami aqutsisut inatsilerinermi nakkutilliinerisa qanoq ingerlanneqarsinnaaneranut missingiut suliarineqarpoq. Missingiummi tassani nalilersuinerup immikkoortunut pingasunut immikkoortinnissaa nakkutilliinermut siunnersortip siunnersuutigaa:

- Suliat ingerlasut naammassineqareersullu sulianillu suliarinninnermi piffissaq atorineqartoq pillugit paasissutissat
- Sulianik toqqakkanik misissuineq, suliat inatsimmi immikkoortumut piunasaqaatigineqartunik uppersaatinik imaqtut misissorlugit
- Suliani toqqakkani Nakkutilliisussaataasut nakkutilliinermi siusinnerusukkat nalunaarusiaanni inassuteqaatinik malinnittoqarneranik misissuineq

Missingiut nalilersuinermi nalunaarusiornermik kinguneqanngilaq, ingerlatsiviullu taammaamat aqutsisut nakkutilliinerat qanoq paasineqarnissaa pillugu Deloittep oqaaseqaatai tunngavigalugit aqutsisut nakkutilliinerat killiffimmik nalunaarusiami uani uppersarneqarsinnaangitsoq paasivaat.

Oqartussaaffimmi suliasanik suliarinittartunik suliasanik suliarinnittanermi inatsilerinermut tunngasut sammillugit sapaatit akunnikkaarlugit ilinniatitsisarneq taamaaliortoqarsinnaatillugu suli ingerlanneqartarpoq. Feriartoqarnera COVID-19-inilu pissutigalugu kommunip ilaatigut matuneqarnera pissutigalugit 2020-mi kvartalimi siullermi ilinniartitsisarnerit amerlanngillat.

## **2.5 Meeqqanik ilaqutariinnillu pitsaanerusumik katsorsaasarnq – nammineq neqerorutit**

Suliniuteqartermi 2020-imi kvartalimi siullermi pisoqarnikooqaaq. Immikkoortumik allaaserinneq suliniutigineqartorujussuusimavoq pitsaassutsimullu tunngaviit aalajangersarneqarlutik. Tamassuma saniatigut immikkoortortaqaqfinni tamani ukiumoortumik nalunaarusiortoqarpoq, ingerlatsinernullu tapiissutinik qinnuteqaatit Pitsaaliuinermit Isumaginninnermulu Aqutsisoqarfimmut nassiunneqarlutik.



Ineriartortitsinermi Sillimaniarfik Nuuk pillugu sulianik ingerlatsinermit pilersaarusiortoqarpoq (tamanna pillugu immikkoortumi 1.10-mi annertunerusumik atuarit). Tassani angerlartitsisarnermik suliniut aallarnisarneqarpoq. Angerlartitsisarnermik suliniut BFC-p, angajoqqaarsiat pillugit suleqatigiit, inissiisarnermi suleqatigiit, ilaqutariit pillugit suleqatigiit AC-fuldmægtigillu akornanni ataatsimut suliarineqarpoq. Maannakkut "eqqaamasassanik allattuivik" suliarineqar-nikuuvoq, taanna ilaatigut angerlartitsinermit atatillugu kikkut sunik suliaqassanersut akisus-saaffeqassanersullu paasinarsisitsinermit tapersiissaaq. Suliniuteqartarnermit tamarmut assi-giissutaasoq tassaavoq attaveqartarnermi sulisoq neqeroorutit assigiinngitsut pillugit saqqum-miilluni videot naatsut suliarinissaat siunertaralugu Ingerlatsivimmi neqeroorutinit tamanut pulaarnera. Anguniagaq tassaavoq kommunip neqeroorutai pillugit naatsumik aalajangersimas-unillu paasissutissiilluni saqqummiussamik suliaqarnissaq.

Sillimaniarnermit pilersaarut, ingerlatitsisarnermik suliniut, paasissutissanillu videoliorneq 2020-imi kvartalit aappaanni nanginneqassapput.

Sulisut tamarmik meeqqat imigissamik ajoquserneqarnikut pillugit Inger Thormann pikkoris-saasoralugu ulluni marlunni pikkorissarnermi peqataanissamut neqeroorfigineqarput. Suliniu-teqarfimmi oqartussaaffeqarfimmilu suliassanik suliarinnittartunit annertuumik tapersersu-isoqarpoq.

## **Nuuk**

BFC Nuummi sullissivimmi namminermi suleriaatsit ineriartortinneqarnissaat nalunaarsuiviullu ESGH-p, GetOrganized-ip, aallartinneqarnissaa isiginiarneqarnikuupput. Sullissivimmi nammi-nermi ineriartortitsinermi ilaatigut pineqarpoq ilaqutariinnik katsorsaasartup psykologiluunniit suliassat assigiinngitsut eqqornerusumik suliarisassagaat immikkoortortaqaqfimmillu allanik-kommunimi avataanilu – pitsaanerusumik suleqateqartoqartassasoq. Suliassat eqqortumik suliarineqartarneranni ilaatigut aamma pineqarpoq suliani innuttaasoq pillugu paasissutissanik sulisoq amigaateqartillugu qanoq iliortoqartassanersoq, assersuutigalugu BFC Oqartussaaf-feqarfimmit innersuussutinik tigusaqartarpoq, taakkunani innuttaasoq pillugu paasissutissat pingaaruteqartut amigaataallutik; assersuutigalugu oqarasuaatip normua, najugaq, innersuus-sinermit pissutaasoq. BFC kvartalimi siullermi aamma nutaanik sisamanik sulisoqalernikuuvoq, taamaammat taakku sulianut suliamillu ingerlatsinerup aqqissuussaananeranut isertinniarnis-saannut piffissaq aamma atorneqarnikuulluni.

BFC Nuuk sulisoqarneq eqqarsaatigalugu siuariartorluarnikuuvoq – immikkoortortaqaqfimmi aqutsisup sulisut tamatigoortut tamatigut ikiuinissamut piareersimasut oqaluttuarai. Suleqati-giit akornanni oqaloqatigiittarnikkut tatigeqatigiittoqalernikuuvoq, sulisullu ataatsimoorluarne-rat sulinermilu tarnikkut avatangiiseqarluortoqarnera oqaluttuarineqarput.



BFC Nuup ataani qimarnguiup qimarnguimmik ineriartortitsinissaq kvartalimi siullermi misisorlualerpaa. Qimarnguimmi maannakkut init allannguissamik suliniutigineqartussatut kisaatigineqartut eqqarsaatigalugit pitsaanerpaajunngillat, taamaammallu suliniuteqarfik illunik naleqqunnerusunik ujaasilerpoq. Tamannali piffissami sivirusumi ingerlassaaq ingerlaannarlu kinguneqartariaqarani. Taamaammat qimarnguiusumi init pitsanngortinneqarnissaat maannakkut suliniutigineqarpoq kiisalu qimarnguimmik allaaserinninnerit suleriaatsillu nutaat suliarineqarlutik. Ininut tunngasut, suleqatigiissitaliap pingaarnertut sammisarisaata saniatigut, Qimarnguiup neqeroorutiminik siunissami annertusisitsinissaa aamma suliniutigineqarpoq. Ukiumi ataatsimi katsorsaasarneq, qimarnguiup takorluugaa, piviusunngortinnissaanut arnat ukiog ataasikkaarlugu najugaqartinneqartarnissaat kinguneqartussaatilugulu qimarnguiup ininik nutaanik neqeroorfigineqarnissaa pisariaqarpoq.

Børnehjemmi Tupaarnami meeqqat ataatsimut isigalugu suli atugarissaarnerat misigineqarpoq. Tupaarnaq piffissami meeqqanik marlunnik nutaanik Mælkebøttineersunik paarisqaqalerpoq, nukappiaqqanullu marlunnut Tupaarnap maannakkut efterskolertitaanut inuusuttunut inissiaqqanik qinnuteqartoqarpoq.

2019-imi kvartalit sisamaanni nalunaarusiami oqaatigineqarpoq, aqutsisut, piffissap ilaani amerlasuunik napparsimasoqarnera pissutigalugu, sammisaq "napparsimaneq" napparsimanerlu qanoq paasineqarsinnaanersoq sulisut ataatsimiinneranni saqqummiukkaat. Tamanna sulisut ullut napparsimasarnerinik amerliartornikunik ilaatigut ikilisitsivoq. Sulisut tassunga atatillugu sisamanut agguarneqarput paarlakaattumik sammisamik oqallisigineqartussamik ataasinngornerillu allortarlugit sulisut ataatsimiinerini saqqummiunneqartussanik suliakkerneqartarput. Sammisaq suliakkiusaaq suliffeqaraanni akisussaaffeqarnermut tunngasaaq. Taamatut ingerlatsineq ukiup naanissaata tungaanut nangingneqassaaq.

Tupaarnap atuakkiaa eqqarsaatigalugu, psykologip danskip Tupaarnap suleqatigisaa ulapitorujussuummat kvartalit siullianni uninngavoq. Ilimagineqarporli atuagaq 2020-p ingerlanerani saqqummissasoq.

Inuusuttunik Sullissiviup sulisunik ineriartortitsineq kvartalit siullianni sammivaa. Immikkoortortaqarfiit ataasiakkaat qaammammut tiimini sisamani teambuildinngeqartarput. Taamatut ingerlatsinermi sulisut imminnut ilikkarluarnerunissaat sammineqartarpoq. Pitsaanerusumik ataveqatigiinnissaq, sullivimmi pitsaanerusunik avatangiiseqarnissaq, pitsaasumik ataatsimoor-nissaq peqatigiinnissarlu, kajumissuseqarnissaq, pitsaanerusumik atassuteqartarnissaq suleqatigiittarnissarlu sammineqartarput. COVID-19 pissutigalugu teambuildinngeqartarnerit marsimi taamaatinneqarput.

Inuusuttunut siunnersuisartut Oqartussaaffeqarfiup Suliniuteqartarfiullu akornanni suleriaatsit nutaat pissutigalugit kvartalit siullianni amerlangaatsiartunik nutaanik sullissaqalerput. Immik-



koortorta qarfirmi aqutsisup tamassuma saniatigut Excelimi takussutissiaq suliaraa, tassani immikkoortorta qarfiit ataasiakkaat ataanni sullissanik agguaanerup saniatigut inuusuttut ataasiakkaat pillugit killiffimmik nalunaarusiat inatsisitigut pisussaaffiliissutigineqartut suliarineqar-simanersut sukkasuumik takuneqarsinnaalluni.

### **Paamiut**

BFC Paamiuni Isumaginninnermi Aqutsisoqarfimmik ataatsimeeqateqarnissaq piareersarneqar-poq. Ilimasuutiniq nalogiissaarineq atorlugu Isumaginninnermut Aqutsisoqarfiup BFC Paamiut sulisut taakkulu piginnaasaat aallaavigalugit sunik neqorooruteqarsinnaanerani ikiussavaa. COVID-19 pissutigalugu ataatsimiinnissaq kinguartinneqarpoq. Kisiannili BFC Paamiuni immik-koortorta qarfirmi aqutsisup neriuutigaa kvartalit aappaata aallartinnerani ataatsimiittoqarsin-naassasoq. Aamma ilaqtariit isumasioqatigiittarnerannik pikkorissarnissaq Namminersorlutik Oqartussanit neqoroorutigineqartoq piffissamut aalajangerneqanngitsumut kinguartinneqarpoq. BFC Paamiut suliniuteqartarnermi sunik neqorooruteqarsinnaanertik neqorooruteqarusunnertil-lu eqqornerusumik ingerlanissaa ataatsimut isigalugu suli isiginiarpaa. Qularutissaanngilarli BFC Paamiut pitsaasumik ineriartortinneqartoq, immikkoortorta qarfirmilu aqutsisoq BFC-mi sulinermi ilaqtariit oqaluttuaat pitsaasut arlallit oqaluttuarai.

### **Tasiilaq**

Tasiilami suliniuteqarfiup BFC-mi sulisut suliffimmi namminermi ilinniartinneqarnissaat/pigin-naanngorsarnissaat aallartippaa. Katillugit pingasunit moduli siulleq kvartalimi siullermi aallar-tinneqarpoq. Tamassuma saniatigut suliniuteqartarfirmi immikkoortuni ataasiakkaani sulianik nangitseqqiisarneq isiginiarneqarpoq kiisalu sulisut ilinniagaqarnermikkut ilisimaligaasa katsor-saasarnermik aqutsisoq sapaatit akunnikkaarlugit isumasioqatigineratigut sulinermi atorneqar-nissaat isiginiarneqarluni. Tasiilami aamma pinaveersaartitsilluni siusissukkut suliniutit aallun-neqarput – tassunga ilanngullugu katsorsaasarnermi aqutsisumik atorfinitsitsinikkut.

Armarngivap siunertaata anaananut-meeqqanut-katsorsaasarnermi angerlassimavinngorlugu al-lanngortinneqarnissaa suliniutigineqarpoq.

2019-imi kvartalit sisamaanni Danmarkimit ikiuinnermut atatillugu isumaginninnermi misissui-nerit amerlaqisut suliarineqarput. Qaammatini kingullerni SFU-t suliarineqaqqammersut pillugit tusarniaasoqarpoq iliuusissatullu pilersaarusiortoqarluni. Suliaq taanna kvartalit aappaanni in-gerlateqqinneqassaaq. Iliuusissatut pilersaarusiortoqareerpat suliniutissatut aalajangiun-neqartut aallartinneqassapput. Suliani amerlasuuni BFC-mi sulisoq suliakkerneqartarpoq. Dan-markimit ikiuinnermut atatillugu suliniuteqarfik ilaqtariinnik katsorsaasartunit marlunnit ikior-neqarpoq, taakkulu COVID-19 pissutigalugu pilersaarut sioqqullugu Danmarkimut utertariaqar-nikuupput. Ilaqtariinnik katsorsaasartut marluk suliaqarnerat katsorsaasarnermi suliassat as-



sigiinngitsut suliarineqarnissaannut aammalu meeqqanik inuusuttunillu ataatsimoortunik suliaqarnermi periusissionermut ikiuutaasimavoq.

### **Imminut nalilersueriaatsimik ineriartortitseqqinneq atuutilersitsinerlu**

Suliniuteqarfiup ataani immikkoortortarfinni arlalinni aaqquissuussaanagerusumik imminut nalilersueriaatsip atorneqarnissaanik pisariaqartitsisoqarpoq. Soorlu kvartalit sisamaanni nalunaarusiami allaaserineqartoq, immikkoortortaqaarfii ilaat ataasiakkaarlutik annikinnerusumik imminut annikitsumik nalilersorput. Assersuutigalugu Inuusuttunik Sullissivik kvartalip siulliup ingerlanerani killiffimmik nalunaarusiamut periusissamik suliaqarpoq. Siusinnerusukkut periutsip akerlianik innersuussisarnerni siunertaq tunngavigalugu maannakkut nalunaarusiortoqartarpoq. Periuseq nutaaq sioqqullugu killiffimmik nalunaarutit ingerlatsinernik allaaserinniffiusorujussuupput, periutsimili nutaami killiffimmik nalunaarusiat anguniagassanik maannakkut sammisaqarfiunerupput innersuussinermilu siunertaq anguneqarsimanersoq anguneqarsimann-ginnorsorluunniit isiginiarneqarnerulluni.

Ataatsimulli isigalugu imminut nalilersueriaasiviit ineriartortinneqarnikuunngillat. Isumalluuteqarneq eqqarsaatigalugu tamassuma aallartinneqarnissaa sulii sallitinneqanngilaq. Ilimagineqarporli suliaq taanna 2020-mi kvartalit aappaata pingajuatalu ingerlaneranni aallartinneqassasoq.

### **GetOrganized**

Nuummi Paamiunilu sulilniuteqarfiit januarimi kommunip nalunaarsuivianut nutaamut ESDH-mut, GetOrganized, nuupput. Atuisunik ataatsimut pikkorissartitsisoqaraluartoq atuutilersitsineq immikkoortortaqaqarfinni assigiinngitsuni assigiinngissuteqarpoq.

Inuusuttunik Sullissivimmi ataatsimut isigalugu ajunngitsumik ingerlasoqarpoq aammalu sulianik pilersitsisarnermut, agguasarnermut il.il. suleriaatsit aalajangersimasut suliarineqarnikuul-lutik. BFC Nuummi nalunaarsuivik ESDH nutaatut sulii isigineqarpoq. BFC Nuuk GetOrganizedi-mut allannguinermi SBSYS-imut ilannguteqqarpoq. Taamaammat malugineqarpoq sulisut ilaat GetOrganized-imik atuinissamik sulii nalornissuteqartut. BFC Nuuttulli Tupaarnami tamarmik SBSYS-mik atuilernikuunngillat. Taamaammat aamma tassani GetOrganized nutaarujussuartut isikkoqarpoq, sulisulli ataatsimut isigalugu isumalluarput, suliffimmilu "atuilluarsinnaasunik" marlunnik toqqaasoqarpoq, taakkulu GetOrganize-p aallartinneqarnissaanut atorneqalernissaanullu aallarnisaasuussapput.

BFC Paamiuni Nuummi ingerlatsivimmi allat assigalugit atuinermik ukiup aallartinnerani pikkorissaasoqarpoq. Sulisulli nalunaarsuiffimmik sulii atuilernikuunngillat.



GetOrganized suli atuutilersinneqanngilaq, tamannalu qaqugu pissanersoq suli nalorninarpoq.

## **2.6 Oqartussaaffeqarfiup aamma Pitsaaliuinerup Katsorsaaviullu akornanni sulif- feqarfinni suleqatigiinneq**

2020mi kvartali siulleg kvartaliuvoq oqartussaaffeqarfiup suliniuteqarfiullu akornanni suleqati-  
geeriaatsimik nutaamik misileraaffiusoq

Nalunaarutininik suliarinnittarnerup pitsanngorsarnissaa siunertaralugu Ilaqutariinnut Immikko-  
ortortaqaqarfinni, Ataatsimut Innersuussisarfinni (DFV) aamma Inuusuttunik Sullissivimmi  
(UC), Meeqqanik Iluqutariinnillu Sullissivimmi (BFC) aamma Pitsaaliuinermut Immikkoort-  
ortaqaqarfinni immikkoortortaqaqarfinni aqutsisut akornanni ataqatigiissaarinissaq aamma sulianik  
suliassanillu agguuassinissaq siunertaralugit marlungornerit tamaasa ataatsimiittoqarnissaa  
isumaqatigiissutaanikuuvoq. Nalunaaruteqartoqaqarnerani suliassat, tassani Ataatsimut Inner-  
suussisarfinni pinartumik suliniuteqartoqaqarinnagu, suliassat suliarineqarnissaat pillugu UC-mi  
BFC-miluunnit sulisumut suliassanngortinneqarsinnaanersut nalilersorneqatarluni. UC-mi BFC-  
miluunniit sulisoq ilaqutariinnik aamma meeqqamik/inuusuttumik nalunaarut pillugu oqaloqa-  
teqartarpoq aammalu ilaqutariit aamma meeraq/inuusuttoq UC-mi BFC-milluunnit tapersiinis-  
samik neqeroorfigineqassanersoq nalilersuisarluni. Aaqqissuussineq februarimi atuutilersin-  
neqarpoq aallaaviusumillu 2020-mi junip qaammataata naanerata tungaanut ingerlanneqassal-  
luni.

Marlungornikkut ataatsimiinnerni taakkunani suliqaqarfiit ataasiakkaat suliassaat suliassaqaqarfi-  
illu sunik suliassaqaqarnerisut taakkulu iliuuseqarnissamik sunik kinguneqartariaqarnerisut oqallit-  
toqarsinnaalersarpoq. Oqallinnerit taakku kinguneqartitsisussatut oqaatigineqarsinnaapput  
aammalu meeraq/ilaqutariit qitiutillugit ataatsimut suliassat paasineqarnerunissaannik kingun-  
eqartarlutik.

Inuusuttunik Sullissiviup aamma Oqartussaaffeqarfiup akornanni suleqatigiinneq marlungor-  
nerini ataatsimiittarnerit atuutilersinneqarisa kingorna pitsanngoriarujussuartutut malugineqar-  
poq, tamassuma saniatigut UC-p aamma Ilaqutariinnut Immikkoortortaqaqarfiup akornanni ata-  
atsimiittoqarnikuuvoq, tassani Oqartussaaffeqarfinni fagcheffi aamma peqataavoq. Ataatsimi-  
innermi ilimasuutinik ataqatigiissaarisarpoq, tassani immikkoortortaqaqarfiit taakku marluk  
oqaatigaat illuatungerisaminnit amigaateqartarlutik. Tamassuma suleqatigiinneq pitsanngorti-  
paa maannakkullu kiap sunik akisussaaffeqarnera pillugu ersarinnerusunik najoqqutassaqaqal-  
erpoq.



Aamma BFC Nuup aamma Ilaqutariinnut Immikkoortorta qarfiup akornanni pitsaanerusemik suleqatigiilernissamut suna pisariaqartinneqarnerisooq oqallisigalugu suleqatigiinnermi ataatsimiinnerit ingerlaqqipput. Assersuutigalugu ullaakkorsioqatigiilluni "qanimut" ataatsimiinnerit ator-neqalernerisa kingorna suleqatigiinnerup pitsaanerulernera malugineqarpoq. Anguniagaavoq BFC Nuup aamma Misissuisarnermi Suleqatigiit akornanni tassunga assingusumik suleqatigiinnermi ataatsimiinnerit aallartinneqassasut.

Angajoqqaarsiat pillugit Suleqatigiit aamma Inissinneqarnikut pillugit Suleqatigiit akornanni suleqatigiinneq immikkoortorta qarfiit taakku marluk sapaatit akunnikkaarlugit ataatsimiittanerisa atuutilersinneqarnerisa kingorna pitsaanerulersooq malugineqarpoq.

Paamini suleqatigiinneq allanngorarpooq, ataatsimulli isigalugu immikkoortorta qarfiit taakku marluk imminnut paaseqatigiilluartoqartarput.

Tasiilami ataatsimut soqutigisat oqaloqatigiissutigalugit qaammatikkaartumik sulisunik ataatsimiisitsisarnerit suleqatigiinnermik pitsanngortitsisut malugineqarpoq. Ataatsimut suliat pillugit tapersersuilluni oqaloqatiginnittarnerit ilaannakortumik ingerlanneqartarput.

Oqartussaaffeqarfiup suliniuteqarfiullu akornanni annertunerusemik ataatsimiittarnerit taamaallilluni Kommuneqarfik Sermersuumi illoqarfinni tamani piffissami ingerlanneqartarput. Ataatsimiinnerilli tamatiguunngitsumik ingerlanneqartarput ataatsimullu ingerlaqatigiilernissamut tunngatillugu sulit pitsanngoriarfissaqarpoq.

## **2.7 Kommuneqarfik Sermersuumi namminermit suleqatigiinneq**

Suliaqarfiit akimorlugit suleqatigiinnermut ataatsimiittitaliaq (TFU) suliaqarfiit akornanni suleqatigiittartut suleqatigiinnerat pitsanngorsarniarlugu suliaqarfiit akornanni ilisimatitsisarfit atorneqartarpoq. Suliaqarfimmi suleqatigiit (Meeqqanut Ilaqutariinnullu Ingerlatsivik, MISI, ASK aamma USK) saniatigut Kigutileriffik Peqqissaavillu aamma TFU-mi sinniisoqarput. Piffissami TFU-mi ataatsimiinnissatut pilersaarut taamaatinneqarpoq.

COVID-19 pillugu sillimaniarneq ingerlatsivinnik allanik annertunerusemik suleqateqarnissamik aqqutissiuvoq. Assersuutigalugu Meeqqanut Ilaqutariinnullu Ingerlatsiviup malugaa Meeqqanut Atuarfeqarnermullu Ingerlatsivimmik siusinnerusemut sanilliullugu qaninnerusemik atassutegartoqalersooq. Ilimagineqarpoq attaveqatigiinneq taanna siunissami suleqatigeeriaasis-samut aalajangersimasumut aqqutissiuussissasooq.



Kisiannili ineriartortitsinissamut pilersaarummi anguniagassanut aalajangersakkanut tunngatilugu MISI-mut attaveqartoqannginnera suli ajornartorsiutaavoq, aammalu Inuusuttunut Sullisiviup suliassani atuarfinni isumaginninnermi siunnersortit akuuffigisaanni ataavartumik akisuteqartoqartannginnera malugaa.

Isumaginneqqiisarnermi innarluutilinnillu sullissivimmi suliniutinut tunngatillugu Suliffeqarnermut Isumaginninnermullu Ingerlatsivimmik ataavartumik ajunngitsumillu suli suleqatigiittoqarpoq. Assersuutigalugu inuusuttut innarluutilit pillugit suli Meeqqanut Ilaqutariinnullu Ingerlatsivimmit Suliffeqarnermut Isumaginninnermullu Ingerlatsivimmut suliassangortinneqaraangata suliassanik sularinnittartut sularianut attuumassuteqartut ataatsimiittarput.

## **2.8 Avataani katsorsaanissamik neqeroorteqartunik suleqateqarneq**

COVID-19 pissutigalugu angerlartitsinernut atatillugu qimarnguiup saaffigineqartarnerujussua pissutigalugu Kommeqarfik Sermersuumi qimarnguinni inissat amigaataanikuupput. Taamaammat Isumaginninnermut Aqutsiveqarfiup inussiarnisaarluni ulloq unnuarlu paaqqinnittarfissaq qaammatini pingasuni atukkiunnikuuaa. Ingerlatsiviup illu atulereernikuuaa.

## **2.9 Pitsaaliuineq**

Pitsaaliuinermit siunnersortip Isumaginninnermut Aqutsisoqarfik suleqatigalugu nukittuneq imminullu toqunnissamik pinaveersaartitsineq pillugit suliaqarfiit akornanni pikkorissartitsineq Think Inuk ingerlannikuuaa. Atuarfinit, politiinit, børnehjeminit, ulluunerani paaqqinnittarfinit, ulloq unnuarlu paaqqinnittarfinit kiisalu imminut toqunnissamik pinaveersaartitsinermi kattuffinit naalakkersuinermit attuumassuteqanngitsunit peqataasoqarpoq. Pitsaaliuinermit siunnersorti politiit pinerluttaalisitsisui peqatigalugit kinguaassiuutitigut innarliinernik nalunaa-  
ruteqartarneq pillugu politiit paasisitsiniaanerit pillugu Nuummi atuarfinit pulaartarneq aallartippaa. COVID-19-imut atatillugu killilersuinerit pissutigalugit atuarfiit tamakkernagit pulaar-  
neqarput. Pitsaaliuinermit siunnersortip aamma sapaatip akunnerani 18-imi sammisaqartitsi-  
nissat pilersaarusiortugit aallartinnikuuai, kisiannili sapaatit akunnerani 18-imi aaqqissuuussi-  
nerit tamarmik aamma COVID-19 pissutigalugu kinguartinneqarput.

Inunnut ikorfartortinut ataqatigiissaarisup ataatsimeeqateqartarluni, siunnersuisarluni ilitsersu-  
isarlunilu inunnillu ikorfartortinik isumasieqateqartarluni najoqqutassiat nalinginnaasut malil-  
lugit kvartalimi siullermi sulivoq.



Angajoqqaarsiat pillugit suleqatigiit sulisussaaleqineq pissutigalugu kvartalimi siullermi ajornartorsiuteqarnikuupput, kisiannili suleqatigiinnik aqutsisoq immikkoortortaqaarfimmilu aqutsisoq ikiuunnikuupput. Angajoqqaarsiat pillugit suleqatigiit tamassuma saniatigut taartaagalartumit piffissap ilaani atorfeqartumit ikiorneqarput. Angajoqqaarsiat pillugit suleqatigiit angajoqqaarsiani nakkutilliillutik pulaartarneq kvartalimi siullermi aallartippaat, pulaartarnerilli COVID-19 pissutigalugu maannakkut uninngagallarput. Angajoqqaarsiat pillugit suleqatigiit COVID-19-imut atatillugu saaffiginnissutinut piffisarujussuaq atortariaqarnikuugamikku ajornartorsiuteqarnikuupput. Saaffiginnissutit ilaanni pineqarput meerarsiat angajoqaavimminnik peqateqartarnerannut atatillugu tunillanneqarsinnaanermik ernumassuteqarnerat. Angajoqqaarsianut atuagaaraq, apersuinernut ilitsersuut, angajoqqaarsiatut akuerineqarnissamik qinnuteqarnermi isumaginninnermi immersugassaq angajoqqaarsianullu isumaqatigiissutit pineqarput. Taakku piareerpata pilersaarutaavoq taakku kiisalu ilitsersuutit najoqqutassiallu ersarissut ilanngullugit mappiliortoqassasoq, taamaalilluni suliassanik sularinnittarneq assigiiaarnerulissalluni.

Soorlu aallaqqaasiinnermi allaaserineqartoq, Inger Thorman ingerlatsivimmi sulisunik meeqqat imigissamit ajoquserneqarsimasut pillugit pikkorissartitsinikuuvoq. Pikkorissartitsineq angajoqqaarsianut aamma ingerlanneqarpoq, tassani angajoqqaarsiat 48-t missaaniittut peqataapput. Pikkorissarneq pillugu nalunaarutit tassaapput tamanna pingaaruteqartorujussuaq. Isumaginninnermut Inatsisinillu Atuutsitsinnermut Naalakkersuisoqarfiup Det Nationale Forsknings- og Analycenter for Velfærd (VIVE) meeqqat angajoqqaarsiani inissinneqarnikkut pillugit misissuisippaa. VIVE tassunga atatillugu Suliniuteqartarfimmi fagcheffi, Pitsaaliuinnermut Immikkoortortaqaarfimmi aqutsisoq angajoqqaarsiallu marluk apersornikuuai.

Suliffimmi namminerme tapersersuilluni oqaloqatiginnittartoq Kommuneqarfik Sermersuumi tamarmi angajoqqaarsianut tapersersuilluni oqaloqatiginnittarpoq. Angajoqqaarsiat agguaqatigiisillugu qaammammut ataasiarlutik tapersersorneqarlutik oqaloqatigineqartarput imaluunniit pisariaqartitsineq malillugu tapersersorneqarlutik oqaloqatigineqartarlutik. Suliffimmi tapersersuilluni oqaloqatiginnittartoq naliliivoq, angajoqqaarsiat katillugit 20-it angajoqqaarsiaanertik ingerlassinnaassagunikku ingerlaavartumik tapersersorneqarlutik oqaloqatigineqartarnissamik pisariaqartitsisartut.

Suliffimmi namminerme tapersersuilluni oqaloqatiginnittartup malugaa meeqqap pisariaqartitai angajoqqaarsiallu sunik attassisinnaanersut aamma/imaluunniit piginaasaat ilaanni assigiinneq ajortut. Angajoqqaarsiat eqqortumik tapersersorneqarniassammata suliffimmi namminerme tapersersuisartup angajoqqaarsiat nutaat pillugit ilisimatinneqartarnissaa pingaaruteqarpoq.

Ajoraluartumik tamatigut taamatut pisoqarneq ajorpoq.

## **2.10 Suleqatigisanik avataaneersunik suleqateqarneq**

Meeqqat Ikiortigit.mut suleqatigiinnissamik isumaqatigiissut ukiumik ataatsimik sivitsorneqar-nikuuvoq (mars 2020-miit mars 2021-imut).

Tasiilami meeqqanik inuusuttunillu kinguaassiuutitigit innarliinissamik pinaveersaartitsineq katsorsaasernerlu pillugit suliaqarfiit akornanni suleqatigiinneq pilersaarut malillugu inger-laqqippoq, taakkulu siunersioqatigeeriaaseq Tasiilamut naleqqussagaq atortarpaat. Aamma Nuummi sillimaniarnermut pilersaarummik suliaqarneq kvartalimi siullermi aallartinneqarpoq. Aqutsisoqatigiinnik pilersitsoqarpoq, sillimaniarnermut pilersaarummik suliaqarneq aallarners-arneqalaalerpoq aammalu Connie Gregersenip kinguaassiuutitigit innarliisarnermi sillimaniar-nermi suliamik ingerlatsinertaa pillugu sulisut piginnaanngorsarlugit pikkorissaaneq aallartinni-kuuaa. Suliarli COVID-19 pissutigalugu uninngatinneqarallarpoq.

Isumaginninnermut Aqutsisoqarfimmi ineriartortitsinermut siunnersuisoqatigiit kvartalimi siul-lermi ataasiarlutik ataatsimiipput. Ataatsimiinnermi sumiginnaasarneq akiorniarlugu nuna ta-makkerlugu iliuusissatut pilersaarut nutaaq saqqummiunneqarpoq, aammalu isumaginninner-mut aqutsisoqarfiup socialministeriaqarfiullu akornanni suleqatigiinneq oqallisigineqarluni.

## **2.11 Suliniutinik aqutsineq oqutsisoqartigiillu**

Pisortamit, Oqartussaaffeqarfimmi fagchefimit, Suliniuteqartarfimmi fagchefimit stabschefimillu (tamarmik Meeqqanut Ilaqutariinnullu Aqutsiveqarfimmeersunit) ilaasortaaffigineqartumik aqutsisoqatigiinnik pilersitsisoqarpoq.

Kommuneqarfik Sermersuumi Meeqqanut Ilaqutariinnullu Ingerlatsivimmi pisortaq suliniutinik piginnittuuvoq aammalu Oqartussaaffeqarfimmi fagcheffi suliniutinik aqutsisuulluni.

## **3 Allanguutit annertuut**

COVID-19-ip Kalaallit Nunaanni tuniluunna Meeqqanut Ilaqutariinnullu Ingerltsiviup kommu-nip piffissami matoqqanerani suliassanik pingaarnernik suliaqarnissaq isumaginiarlugu ajornar-toornermi sillimaniarfimmik pilersitsinermik kinguneqarpoq. Tamanna suliassanik 2017-imiit 2020-mut MI-mi ineriartortitsinissamut pilersaarummut sunniuteqarsinnaasunik pingaarnersiu-inerit allanngortinneqarnerannik kinguneqarpoq.

## **4 Aningaasaqarneq**

Kvartalimi siullermi COVID-19-imik eqqorneqarpugut. Aningaasaqarnermut Immikkoort-ortaqarfik aalajangiiuvoq akiligassat tamarmik qitiusumit akilerneqartassasut. Paaqqinnittarfinni



namminersortuni meeqqamut ataatsimut qaammammut 5.000 kr-t tikillugit akit qaffattut takuneqarsinnaavoq. Peqatigitillugu ingerlatsiviit tamarmik sipaarniuteqaqqullugit qinnuivigineqarput, MI-lu eqqarsaatigalugu 7 mio. kr.-nik sipaaruteqarnissamik qinnuivigineqarpugut. Januarimi februarimilu ulloq unnuarlu akinut qaammammut 20 mio. kr-t atorneqarput. Pissut sit taamaaginnassappata ulloq unnuarlu akinut ukioq tamaat akiliutit 240 mio. kr-nik annertususeqassapput. Ulloq unnuarlu akinut ukioq tamaat akiliutit 260 mio. kr-nit missingersuutigineqarput, siunnertaq 0501020000 Meeqqat innarluutillit ilanngullugu. Taamaalilluni immikkoortumi atuisoqarnerusoqarnissaatut isikkoqarpoq. Aqutsiveqarfimmut akerleriinnik piusaqaateqartoqarmat aningaasartuutit qaffakkiartortut qanoq millisinneqarsinnaanersut junip tungaanut paasiniaanissaq toqqarneqarpoq. Oqartussaaffeqarfimmi inissiisarnernik malinnaasoqarpoq.

## **5 Ajutoorfiusinnaasut**

Ingerlatsvimmi aaqqissuusseqqineq iluatsitsiviussappat sulisorineqartut pisariaqartumik piginnaangorsarnissaat pisariaqarpoq. Oqartussaaffeqarfimmi sulianik suliarinnittartut misilittagalit, pitsaaliuinermi ilaqutariinnillu katsorsaanerme isumaginninnermi perorsaanerme sulisut pinartumillu inissinerni angajoqqaarsiaasinnaasut suli amigaatigineqarput.

Ingerlatsvimmi aaqqissuusseqqinnineq iluatsitsiviussappat aqutsisut qaffasissutsini tamani pitsanngorsaaviginissaat ingerlatsivimmilu immikkoortortaqaarfiit ataasiakkat akornanni ataatsimut ingerlataqatigiinnissaq pisariaqarput. Tamassuma saniatigut suliamik ingerlatsinerme piginnaangorsarnikkut sulisullu akornanni suliamik ingerlatsinerme isumasieqatigiittarnikkut sulianik ingerlatsisinnaassutsip pitsanngorsarnissaa suli pisariaqartinneqarpoq.

Siusinnerusukkut oqaatigineqartutut Kommuneqarfik Sermersooq Nakkutilliisoqarfimmit peqqussummik tigusaqarpoq, tamassumunngalu tapiliullugu Isumaginninnermut Inatsisinillu Atuutsitsinermut Naalakkersuisoqarfik isumaginninnerme siunnersortit Danmarkimeersut arfineq pingasut Kommuneqarfik Sermersuumit atorneqarsinnaanerat pillugu isumaqatigiissusiorpoq. Isumaginninnerme missuisarneq annertuumik ingerlanneqarpoq. Ingerlatsvimmi isumaluutininik ataatsimut isigalugu amigaateqarneq pissutigalugu isumaginninnerme misissuinerit naammassineqannginnerat peqatigalgu piffissami sivisunerusumi suliniuteqartarfimmi suliassat assinganik amerliartoriaannaapput. Tamanna suliniuteqarfimmi suliassanik suliarinnittartut amigaataanerat tunngavigalugu isigineqassaaq.





## 6 Kajumissuseqarneq atugarissaarnerlu

Oqartussaafeqarfimmi napparsineq pissutigalugu sulinginnerit ataani naatsorsueqqissaarineq malilugu kvartalit sisamaanni amerliartoqqipput.

Oqartussaafeqarfimmi 2019-imi kvartalit sisamaanni napparsimaneq pissutigalug sulinginnerit imatut agguarneqarput:

<b>Piffissaq (2019)</b>	<b>Napparsimaneq pissutigalug ullaq sulingiffiit amerlassusaat</b>	<b>Ullut suliffiusinnaasut amerlassusaat</b>	<b>Sulinginnerit procentingorlugit</b>
Oktobari	55 dage	575	9,6 %
Novembari	52 dage	546	11,3 %
Decembari	62 dage	494	12,6 %
Kvartalit sisamaat			11,2 %

Oqaaseqaat: Sulisut namminneq ullut napparsimaneri kisimik ilanngunneqarput.

Oqartussaafeqarfimmi 2020-mi kvartalimi siullermi napparsimaneq pissutigalugu sulinginnerit imatut agguarneqarput:

<b>Piffissaq (2020)</b>	<b>Napparsimaneq pissutigalug ullaq sulingiffiit amerlassusaat</b>	<b>Ullut suliffiusinnaasut amerlassusaat</b>	<b>Sulinginnerit procentingorlugit</b>
Januari	89	572	15,6%
Februari	101	560	18,0%
Marsi	76	616	12,3%
Kvartali siulleg			15,3%

Oqaaseqaat: Sulisut namminneq ullut napparsimaneri meeqqalu ulloq siulleg napparsimaneri ilanngunneqarput.

Napparsimaneq pissutigalugu sulinnginnerit kvartalit siulii assigalugit sulisut ulluni ataasiakkaani ilaatigunnarlu napparsimasarput. Januarimi sulisunit 26-nit taamaallaat pingasut ullumi ataasiinnarmiluunnit napparsimangillat. Februarimi 28-nit arfineq marluk marsimilu 28-nit arfinillit. 2020-mi-mi kvartalimi siullermi sivusuumik napparsimanerit naatsorsoqqissaarneq sunneqqippaat. Kvartalip siulliup ingerlanerani sulisut katillugit tallimat piffissami sivisuumi napparsimapput.

Paasissutissat annertunerusut tunngavigalugit sulisut akornanni atugarissaanermik misissuinsamut isumalluutiniq suli immikkoortitsisoqanngimmat atugarissaarneq amerlassusilerlugu suli oqaatigineqarsinnaanngilaq. Akerlianik, sulinngittarneq, atugarissaarneq suliunnaarnermilu oqaloqateqartarnerit ingerlaavartumik ingerlanniarneqarput. Tamanna immikkoortortaqaqfinni ataasiakkaani qaqtigunnaq maannamut ingerlanneqartarpoq.

